

援
黔
錄

援

錄

最

援黔錄

書

復席研香方伯

致黃邵崑方伯

致席研香方伯

致林貞伯廉訪

復席研香方伯

復

鄧黃兩太守

復席研香方伯

致林貞伯廉訪

復席研香方伯

致林貞伯廉訪

致某太守

復易笏山觀簪

復席研香方伯

復周渭臣軍門

復易笏山觀簪

致黎簡堂方伯林貞伯廉訪

致周渭臣軍門

復易笏山觀簪

連拔谷洞虎場坡七八大寨狁狁望風就撫者亦數十寨
我軍距清平縣城止十餘里鄧伯平觀察業進駐新州炯
於十七抵重安司商同崧生軍門先與新州之軍掃蕩絞
沙黃飄白堡江口螃蜞一帶然後合攻甕谷籠尙祈戲下
分軍駐新城尅日會攻庶可大創若止重安一面進剿不
過擊之使走不能聚殲也千萬叩禱我軍鉛丸甚缺已催
後路撥解計甕谷籠之舉當在三月初矣肅復敬敬勲安
惟垂咎不備

二

重安曾肅一函請公如前約分軍駐新城爲聚殲甕谷籠
之舉不審得達否日來旌麾更指何處清江一路當早規
復久未得消息無任引領炯於初二日自率師渡重安西
上掃蕩觀音山大風洞數十賊巢初三拔清平縣城日來

援黔錄

書

卷七

復席研香方伯

奉初四日手教知前月杪連拔鎮遠施洞口威福彌隆且
忻且頌初間炯得降苗密報卽知大軍所至如拉枯朽施
秉之賊讐於先聲相率竄渡河外嗣因前鋒未至又復回
踞比聞餘慶團民蘇廷標等由間道進攻已破城而入彭
軍門失期不至致團民被害六七百人良可歎惜尙乞檄
飭彭軍門急進庶楚蜀兩軍聲勢接連矣崧生軍門懸軍
深入初六初七連破重拜重安司數十大寨初九初十賊
來爭都不下萬人我軍以四出趣糧兵力分散仰藉威庇
幸未折挫連日以來不過數千想又并力以抗大軍矣炯
初八至重拜掃蕩羅岑一帶數十寨復分兵自重安江上
流搶渡以出清平之背張秉唐觀察亦自楊老分兵夾擊

致黃邵崑方伯

前聞雄師克復鎮遠曾一啓奉賀不審達否炯自渡重安江而西攻拔清平乘勝掃蕩至龍場壘拔出降苗老弱四千餘戶正擬進剿平茶長坡革種由漁梁渡江合崧生軍門攻磅蠓以會節下於甕谷籠不圖陳瑞卿軍門香爐一挫兵勢小頓鄧伯平觀察又聞赴奔喪新州一路無人主持崧生約來重安以便渠赴新州祇合於十九日移駐重安得二月十三日手教領悉承諭以辦苗利用雕剿不能免待百道並進數月可平節節駐防十年不足至哉言乎炯竊嘗持此議而庸夫豎子輒以貪功輕進相訾警百喙不能喻解今讀明公高論不覺伸眉吐氣來示旣得疆土無所付託不能遂其縱橫盪決之志炯亦此患正同黔中兵力戰不足而守有餘誠能簡料精銳慎擇將領以隨楚

復分軍掃蕩羅密千巖流水泡木數十寨拔出被脅老弱
數千口陳瑞卿軍門亦拔冷水差強人意現約瑞卿移師
來會由木雞卡直趨龍頭炯自由大風洞趨漁梁先掃蕩
清平屬江內竊見江內向皆良苗特爲江外叛苗逼脅占
據自明公拔取鎮遠施洞口羣酋震懾江內僅餘施秉及
寶谷籠螞螬翁開白堡白洗數大巢謂宜屬邵崑方伯彭
王書軍門急規施秉明公分軍進新城旗鼓所向無難立
碎然後楚蜀之勢合施秉拔則餘慶甕安後路無虞我新
州之軍乃能拔動以掃蕩翁開白堡白洗一帶崧生軍門
乃得移重安之軍直趨寶谷籠如此則自清平以至鎮遠
江內掃蕩驛路疏通後路了無牽顧然後分趨江外合感
台拱丹凱直拉朽摧枯是在明公一指揮耳愚見如此明
公以謂何如乞裁示爲幸專肅敬敏勲安伏惟亮照不宣

意鄧伯平觀察奔喪離營新州一面無人主持遂回重安
商同崧生軍門料理適聞大軍拔施秉二十一日破甕谷
籠崧生軍門於二十二日掃蕩至楊家牌坊去二十餘里
以爲便可會合乃入夜忽得新州各營稟報有蘇軍門元
春帶勇三千餘奔至新州云是日自甕谷籠回攻黃飄白
堡行十餘里道路險阻突遇伏賊我軍轉戰四日本已疲
極又兼鉛丸罄盡遂爾潰敗黃方伯鄧廉訪同時陣亡聞
之驚痛已函屬蘇軍門繞由甕安餘慶回營矣入春來大
軍所至如摧枯拉朽方幸仰憑聲威自鎮遠以達清平江
內叛苗數日內便可肅清不圖中道一跌夫豈人謀不臧
殆亦天未厭亂乎尙乞明公急圖整頓示期再舉無任企
祝竊見苗性狡猾登崖踰嶺趨捷如飛我軍方進望塵先
奔纔復返旆便爾尾至加以林深山險道路紛歧少不留

蜀兩軍之後俾得專意掃蕩無復牽顧計每歲協餉捐輸
釐稅亦足供支乃主者毫不自爲謀一若客軍規復土地
人民都於黔無關涉者良可慨也此間至成都殆三千里
每次餉需軍火到營文移往復動需三月自拔重安來以
鉛丸罄盡頓滯兵機者屢矣任事之難如此日來收買廢
鉛僅足一戰遂掃蕩楊家牌老巢距甕谷籠二十餘里聞
吳李兩軍已拔白洗甕谷籠度施秉之賊不攻自下我新
州之軍得拔動席卷而南矣瞻望旌麾當在數日間曷勝
欣快章貴兩軍宜令駐守施城以清伏莽則大軍前進餉
運無虞想明公必已部分也肅復敬敬勲安不盡欲言

致席研香方伯

前連貢兩牋不審得達否炯自上巳日拔清平乘勝掃蕩
至龍場望正擬由漁梁渡重安會崧生軍門合攻磅礴不

楚蜀兩軍機勢方張竊幸旬日間江內便可肅清並力以圖江外戡定有期不虞黃飄劫楚師一挫機勢又頓是豈人謀不臧無亦劫數未盡耶黃邵崑廉訪勇略絕倫鄧榮兩公亦復獨出乃因於小醜同時捐軀尤所驚痛此役實由嚮導無人行到絕地爲賊所乘我軍又未得消息末由援應感念同仇至今胸膈猶鬱鬱也我軍深入重地糧餉兩絀部曲往往摘野菜煮粥而食成都所請鉛丸至今五越月但以空文延宕戰守無資念之心碎如何如何聞張正亭軍門進規入寨鄙意不如先拔下司下司爲丹凱咽喉黔師拔此則與蜀師之在清平者聲勢通聯號召銅鼓擺仰一帶降夷入寨凱里都在握中若舍下司而遽規入寨馬登科輩素懷反正師到卽定似若甚易而去都勻甚遠下司之賊必出都勻入寨之間以邀我後轉運在在堪

意卽爲所挫鄙意謂宜明公遣勇決之將進駐新城分軍
由施秉會我新州之軍出黃飄白堡崧生軍門出楊家牌
哈家牌滾營前進三面合感庶可聚殲此賊以雪黃鄧二
公之憤不審有當尊意否如蒙採納尙祈示期不勝盼禱
敝部鉛丸僅足守營年前屢催川局但得空文回覆至今
數月杳無委員管解到營消息又積欠數月無從采辦勢
不得不因糧於賊而無鉛丸卽不能進剿不能進剿卽不
得糧各營往往竟日喫粥束手無策徒喚奈何新州五六
營員素未諳事體兼之乏糧貴軍到來僅煮粥相遺毫無
資助慚愧慚愧然此艱難情狀當亦蒙明公鑒原也肅復
敬敬勲安惟垂咎不莊

致林貞伯廉訪

久不奉書殊深貢念敬審台候多福籌畫勤勞至以爲頌

繞道晝夜兼行二日可達使早得此函必馳請少公於襄谷籠停留一日賊見大軍駐定必悉數奔過江外卽欲回攻黃飄白堡便檄新州之軍首尾夾擊賊亦摧破而來人遷延十日始達致兩軍聲息不相聞遽有此失是豈人謀不臧抑亦刼數使然耶良可痛惜見將來人拘守聽候明公示下處分精捷精毅勇丁先後來重安百餘名受傷者悉令歸聚一處派弁料理醫調未受傷者悉量給路費護票遣令歸營自大軍攻拔鎮遠方幸清水北岸賊巢旬日間可掃蕩淨盡分道渡河清台丹凱夏中必可戡定不圖事出意外明公失此左右手整頓需時蜀軍以鉛丸罄盡移催川局至今五越月了無到來消息亦未便遽進去夏冒暑渡河雖尙大坪玉華幸而了當而疫痢大作師人多故幾於十去其九苗疆瘴癘益盛五月以後鑒於前事萬

虞微獨都勻可虞平貴一帶卒難安枕炯本擬移師下司
比因楚師挫折力有未能伏望明公商之正亭熟思審處
而後動毋急目前近功鄙意黔楚蜀三軍要宜聲勢通聯
先掃除清水江以北逼賊過江外然後數路合蹙以收聚
殲之功而爲永逸之計不宜聲勢隔絕使賊得有餘力分
以應我前曾以此意商之研公邵公咸以爲有當於事理
伏望明公留意幸甚專肅敬頌勲安不備

復席研香方伯

二月廿四日專勇齎呈一檄報黃鄧兩方伯殉難黃飄均
消息計日內必蒙垂覽昨奉三月十一日賜書詢問來人
因患病在途是以遲延至由降苗遞來一函至今未到想
遇賊矣少崑方伯廿四自施秉遞來一函封面限兩日而
來人昨日始遞到施秉至新州中雖隔賊然由餘慶甕安

楚尋覓既經土人指視復刺血以試血果沁入骨無偽始
負以歸緣此事重大不可草率將事移他人屍以當忠骸
使兩家子弟貽人口實也第敝軍旣以米糧鉛丸告缺未
敢急進又不忍兩公忠骸久暴山谷業懸重賞購募降夷
使之潛收淺瘞以俟將來度兩公體骨必異於人人賊中
指目傳說必有定處兩公英靈必默相之或得如願是未
可知鄙人心力所能爲止比而已尙乞諒之來并未便久
羈特遣歸報臨書感涕不盡所懷肅復敬敬勲安惟亮答
不宣

復席研香方伯

頃由餘慶遞到四月初三日發來賜書備審大君子爲國
家愛惜人才之盛心甚感甚佩況楚珩軍門爲吾黔亂故
而來勞苦功高仰蒙遠屬敢不盡力業懸重賞募降人赴

不能動祇合以重安新州清平爲老營時搜剿已定之地
俟秋涼再圖深入惟自饗安以達重安新州清平縱橫千
里漢民僅有孑遺軍火米糧轉運不易殊深焦灼耳不審
明公有以開益之否肅復敬啟勲安惟垂咎不盡

復^鄧兩太守

貴弁來奉賜書領悉方伯觀察爲國捐軀凡屬同仇無不
感憤矧以吾黔亂故而來鄙懷傷痛竊倍於人聞報之日
卽商崧生軍門獎率部曲進剿黃飄收兩公之忠骸雪三
營之大憤願以鉛丸罄盡而止今蒙遠屬敢不盡力惟計
日已及兩旬天氣亢炎竊恐腐化不可認別黃飄去重安
五十里山險道歧賊巢林立勢須攻拔後移營駐守始能
從容尋覓辨識曩甲寅春先通奉殉難金口鄙人止遵
禮以衣冠招魂葬迨是冬官軍收復武昌鄙人乃閒關赴